

ԿԱՆՈՆԱԿԱՐԳ

«Հնարավորությունների հարթակ» դպրոցական գիտահետազոտական VII կոնֆերանսի

1. ԸՆԴՀԱՆՈՒՐ ԴՐՈՒՑԹՆԵՐ

1.1. Կոնֆերանսը աշակերտների գիտահետազոտական և նախագծային աշխատանքների արդյունքների ներկայացման ձև է, որը կոչված է գիտական գիտելիքների տարածման ակտիվացմանը, աշակերտների մասնագիտական կողմնորոշմանը: Այն նպաստում է նրանց գիտական ստեղծագործական գործունեության և հետազոտական աշխատանքների ներգրավմանը մանկավարժների, բուհերի դասախոսների և այլ մասնագետների ղեկավարությամբ:

1.2. Կոնֆերանսի աշխատանքային լեզուներն են հայերենը, ռուսերենը և անգլերենը:

1.3. Կոնֆերանսի անցկացման վայրը. ՄՊՀ մասնաճյուղի Երիցյան վարժարան: Հասցե՝ ՀՀ, 0070, ք. Երևան, Վարդանանց փ, 17 շ:

2. ԿՈՆՖԵՐԱՆՍԻ ՆՊՏԱԿՆԵՐԸ ԵՎ ԽՆԴԻՐՆԵՐԸ

2.1. Կոնֆերանսի հիմնական նպատակներն են.

- պատանեկան գիտահետազոտական գործունեության ակտիվացումն ու տարածումը,
- սովորողների մոտիվացիայի բարձրացումը կրթական գործունեության նկատմամբ, գիտելիքների խորացումը գիտության այս կամ այն բնագավառում,
- գիտահետազոտական աշխատանքի արդյունքների ներկայացումը տարբեր ձևերով (զեկույց, պաստառ, տեսանյութ և այլն):

2.2. Կոնֆերանսի խնդիրներն են.

- նախագծային և գիտահետազոտական աշխատանքների հանդեպ հետաքրքրություն դրսևորող, օժտված սովորողների բացահայտումը, բազմակողմանի աջակցության ցուցաբերումը,
- գիտական, բնապահպանական, իրավական, մշակութային, պատմական և տեղեկատվական կրթության ու ինքնակրթության խթանումը,
- աշխարհի պատկերի և հասարակական գործընթացների վերաբերյալ սովորողների քննադատական և գիտական ընկալման ձևավորումը, որն արտացոլվում է մասնակիցների հետազոտություններում և նախագծերում,
- կրթական հիմնական ծրագրերի յուրացման ընթացքում նախագծային և գիտահետազոտական գործունեության արդյունքում սովորողների առարկայական, վերառարկայական, անձնային որակների բարելավումը,
- աշխատանքը պլանավորելու, կազմակերպելու, կատարելու, ներկայացնելու և պաշտպանելու հմտությունների և կարողությունների ձևավորումը,
- որոնողական, նախագծային և հետազոտական բնույթի խնդիրներն ինքնուրույն սահմանելու և լուծելու կարողությունը:

3. ԿՈՆՖԵՐԱՆՍԻ ԿԱԶՄԱԿԵՐՊԻՉՆԵՐԸ ԵՎ ՄԱՍՆԱԿԻԾՆԵՐԸ

3.1. Կոնֆերանսի կազմակերպիչը ՄՊՀ մասնաճյուղի Երիցյան վարժարանն է:

3.2. Կոնֆերանսի մասնակիցները՝ հանրակրթական հաստատությունների 9-12-րդ դասարանների աշակերտներ: Հայաստանի մարզերից և այլ երկրներից դիմող աշակերտները կարող են մասնակցել հեռակա (այս դեպքում մասնակիցն ուղարկում է զեկույցի կամ ելույթի տեսագրությունը):

4. ԿՈՆՖԵՐԱՆՍԻ ԱՆՑԿԱՑՄԱՆ ԿԱՐԳՆ ՈՒ ՊԱՅՄԱՆՆԵՐԸ

4.1. Կոնֆերանսի հայտը պետք է լրացնել առցանց՝ <https://forms.gle/pqohtB2o1VGLSFm6> հղումով:

4.2. Էլեկտրոնային նամակի «Թեմա» դաշտում նշվում է ուսումնական հաստատության անվանումը և մասնախումբը:

4.3. Նյութերի համար գրախոսականներ չեն գրվում:

4.4. Կոնֆերանսի մասնակցության ձևերն են.

ա) Զեկույց - (մինչև 7 րոպե):

բ) **Պատասխան** – չափսերը 80-120 սմ, որի վրա պատկերված են աշխատանքի կատարման փուլերը, արդյունքներ, գրաֆիկներ, եզրակացություններ, օգտագործված ռեսուրսներ: Անհրաժեշտության դեպքում կարող է ցուցադրվել նաև մոդել:

գ) **Տեսանյութ**:

5. ԿՈՆՖԵՐԱՆՍԻ ՄԱՍՆԱԽՄԲԵՐԸ

5.1. Բնագիտություն

5.2. Տեղեկատվական հաղորդակցային տեխնոլոգիաներ (ՏՀՏ-ներ) և մաթեմատիկա

5.3. Հասարակագիտություն, պատմություն

5.4. Լեզվաբանություն (լեզուներ, գրականություն)

6. ԿՈՆՖԵՐԱՆՍԻ ԺԱՄԱՆԱԿԱՑՈՒՅՑԸ

6.1. Կոնֆերանսի անցկացման օրը - 30.04.2025թ.

6.2. Մասնակիցների գրանցումը - 10:00- 11:00

6.3. Լիագումար նիստը - 11:00 – 12:30

6.4. Ելույթներ մասնախմբերում - 13:00 – 15:30

6.5. Կոնֆերանսի արդյունքների ամփոփում:

Հավաստագրերի հանձնում - 16:00

7. ՊԱՀԱՆՋՆԵՐ ՆԵՐԿԱՅԱՑՎՈՂ ԱՇԽԱՏԱՆՔՆԵՐԻՆ

7.1. Աշխատանքները պետք է լինեն.

- գիտական բնույթի (ներկայացված նյութերի համակարգում, վերլուծում և ընդհանրացում, պնդումների հիմնավորում, գործնական արդյունավետություն),
- ինքնատիպ (խնդրի լուծման ոչ ստանդարտ, ոչ ավանդական, ոչ ֆորմալ մոտեցման ցուցադրում, նախագծի թեմայի պարզաբանում),
- նորույթ պարունակող (հետազոտության նոր օբյեկտ, առաջին անգամ քննարկվող խնդիր, հայտնի խնդրի նոր ձևակերպում, դրա լուծման նոր մեթոդ, հայտնի լուծման կամ մեթոդի նոր կիրառում),
- գեղեցիկ ձևավորված:

7.2. Աշխատանքի տիտղոսաթերթը.

- վերնի աջ անկյունում՝ Կոնֆերանսի խորհրդանիշը,
- հեղինակի ազգանունը, անունը, հայրանունը՝ մզաքրած և կենտրոնով դասավորված,
- ուսումնական հաստատությունը, դասարանը,
- հոդվածի վերնագիրը մեծատառերով, մզաքրած և կենտրոնով դասավորված,
- աշխատանքի ղեկավարը,
- ներքևի կենտրոնում՝ տարեթիվը:

7.3. Տեքստը.

- A4 ձևաչափի թղթի վրա,
- լուսանցքները՝ ձախը՝ 3 սմ, վերևինը, ներքևինը և աջը՝ 2սմ,
- տառատեսակը՝ Sylfaen, չափսը՝ 14,
- միջտողային հեռավորությունը՝ 1,15,
- հավասարեցումն ըստ լուսանցքների,
- պարբերությունը՝ 1.25 սմ,
- էջերի քանակը՝ միջև 10:

Կազմկոմիտեն իրավասու է հրապարակել Կոնֆերանսի ընթացքում ստացված նյութերը, տվյալները, լուսանկարները, տեսաձայնագրությունները:

Կոնֆերանսի մասին տեղեկությունները և մասնակիցների աշխատանքները կարող են հրապարակվել Վարժարանի կայքի «Իմ հետազոտությունը» էջում (<http://school.msu.am/> → «Проекты гимназии» → «Исследовательская конференция»):

Կոնֆերանսի բոլոր մասնակիցները ստանում են մասնակցության վկայական: